


علوم اقتصادی و اجتماعی

مجموعه

مراکز اوز بشخی کونی نشر اولنور



مؤسسی:

احمد شعیب، رضا توفیق، محمد جاوید

مندیجات:

مقدمه و پروگرام: احمد شعیب، رضا توفیق، محمد جاوید.
 — بکر منجی، مصدده تاریخ: احمد شعیب. — قانون اساسی
 مالیه قانونی - مقنده کی موادی: محمد جاوید. — نفوس مسئله سی
 و اهمیت سیاسی و اجتماعی سی: رضا توفیق. — دولت و جمعیت:
 احمد شعیب. — روم ایلی تمدن و فراری: محمد جاوید. —
 فرانسه اخلاص کبری: احمد شعیب.

مدیر و صاحب امتیازی:

محمد جاوید

نسخه سی: ۱۰ غروش

استانبول

امور اداره و تحریریه: باب عالی جاده سننده شهرول مطبعه سی، نومرو ۶۶

فرانسە خەلەك كىرى

فرانسەدە زادكان ، رهبان ، قرال من القديم ممتاز و مستثنا بر موقع احراز ايتىشلاردى . چونكى عصر لردنبرى برسى تعب ناپذير ايله مبنای اجتماعى و ادارىنىك اساساتى وضع ايدن بولاردى . شارلمان ايمپراطورلغى تشكيل ايدن ممالك اونچى عصر ايچىندە درين بر تبدله دوچار اوله رق بونك تاثيريله شكل جمعيت ده كيشيور . بالاخره مورخين بوتشكيلات جديده يه « فئوداليزم » اداره سى نامى ويرديلر . بوشكل اداره قارلويونچەن خانداننىك انحلالى تعقيب ايدن آن مظالم ايچىندە تولد ايتىشدر . فقط بووقعة تاريخيه علاقه دار اولانلر يىنىندە بالما كره ياپىلمش برشى اولمايوب اخلاق و عاداتك تبدلات تدريجييه سى نتيجيه سى ايدى . ضرورت مدافعه ، ذوق ماجرا پرستى ، حيات حرب لهنده بر فكر قديم بوتون اوروپاده ارباب سيفدن مركب بر صنف زادكانك تشككنه خدمت ايتىشدى .

فونتا نه محاربه سنى متعاقب ياريم عصر مدت دوت ، بش يوز كشيدين مركب حيدود چتەلرى هر درلو مجاوزات و تعديانده بولونديلر . برچوق شهرلى ياقشالر ، اهاالى سنى اولدور مشلر ، مالل زىنى يغمما ايتىشلاردى . ايشته بوتضييق و اعتسافك عكس صدمه سى اولمق اوزره بر نسل عسكرى ميدانه چىقدى . وهر رئيس استيلا ايتدىكى اراضى اوزرنده صورت قطعيه ده يرلىشدى . بومالكانه اراتق قرالك دكل ، كنديسنك ايدى . او بونى مدافعه ايچىن محاربه لرايدىيور ، اطرافدن هجوم ايدن سيلاب وحشته

سد اولمایه چالیشوردی . ایشه اوزمان اصل دیمک محاربهرلر ایدن، معیتتی مدافعه ایله یئزلردر . بو آدمار کیدی ، نرهدن چیقمشاردی ؟
 بونی دور ودرار تدقیقه حاجت یوقدر . بونلر اکثریا یابرحیدود ، یاقهرمان برپاپاس ویاخود برسر سری ، برآوجیدر . مثلاً قاپه تینلر پارس قصابلرندن برینک ذریتمدن کله در . اوزمان اصل دیمک جسور ، قوتلی ، سلاح قوللانمائی بیلن ، کوکنی برزره مدافعه کبی دشمنه کرن ، قلیچی ایله طوپراغک برکوشه نی حمایه ایدن در . ایشه بوضورتیه هر قانطونده مسلح قوللر ، دشمن استیلاسنه قارشو دورایله جک برهیت دائمه عسکریه تأسس ایتشدیر . وبوسایه درکه اوروپا برعصر صوکره شرقه ایکی یوز بیک مسلح آدم سوق ایده بیلور .

جمعیت باشلیجه ایکی صنفدن مرکب ایدی : بری اسارت زراعیه ایچنده یشایان کوبولور دیکری ده صاحب اراضی اولان اصللر ویا یاپاسلردی . دره بکلک زماننده حاکمیت ایله حق تصرف ممزوج ایدی ، وقودال دولتلرک اصولی مالکانه اساسی اولوب بوتون واردات املاک میریه حاصلانندن مرکبیدی . وبونک نتیجه طبیعیه سی اولق اوزره چوق کره فرانسه قراللری نورماندیا ، بورغوندا ، آکتانیا دوقهلرندن ده فقیر ایدیلر . زعامتاری ایسته دکلرینه توجیه ایدرلر وحق حاکمیتک نتیجه سی اوله رق کندی ناملرینه اجرای حکم وعدالت وسکه ضرب ایدرلردی . زادکان درجانه منقسم ایدی : اولا قرالر ، دوقلر ، قونتلر ، مارکیلر ، کلوردی که بونلر یوزلرله شهرک حاکم و متصرفلری اولوب محاربیه کیتدکاری زمان معیتلرندهده بیکلرله شوواله لر کوتورورلردی . درجه ثانیه ده کی زادکانه ایسه بارون ، سیور ، سنیور ، لورد تسمیه ایدیلردی . اوچچی مرتبه بی ده شوواله لر اشغال ایدرلردی . وقتیه محاربهرلر اکثریا آت اوزرنده اولماسندن

شووالیه نامی بوندن دولای در . زادگان صنوف سائر جمعیتله اختلاطدن
منوعدی. عدالت حقوق مشترکه دن اولما یوب بر امتیاز عایدیلردی. هر صنف
ایچین قواعد عدالت باشقه باشقه ایدی. حقوق عمومییه دعواسی اولمادیغندن
مضرر اولانلر طرفندن حقوق شخصییه دعواسی اقامه ایدمک لازمدی.
حکام دلائلدن زیاده عادات مؤسسه و مرعیه نك تمامی تطبیقنه و اجرا سنه
رعایت ایدرلردی. مثالیل محکمه سنده برمدعی یمین ایتک ایچین الی ایچیلک
اوستنه قویدقدن سوکره اوینا ناماسی ایجاب ایدرکن جزئی پارمق لر نی قییدل اتمقله
دعواسنی غائب ایتشدی! انسانی محاکمه ده دعوانک خارچنده برسوز بعضاً
بو تون برحقک محوینی انتاج ایدردی! اومتهم معصومیتنی اثبات ایچین الی
قاینار صصویک ایچنه صوقار و یاقیزغین برده میر پارچه سی طوتاردی. ودعوا
اکثریا طرفینک دوللوسی ایله نتیجه پذیر اولوردی! قانک قفاسی کسلیبر،
خرسز آصیلبر، قادینلر دیری دیری کومولوردی.

ضابطه وظیفه سنی ایفا ایدن زادگان بولون دقلری موقعک ابا عن جد
ضابط و حارسی ایدیلر. اوراده هرکس رتبه موروثسی، معاشی، موقعی
ایلله دوغاردی. حال حرب اصل اولدیغندن دشمنه قارشی هر زمان عسکر
لازمدی. بوتوالی محاربات قارشیسنده قراللر، قونتلر، شووالیه لر
زوجهر لیه یا ندقلری صالونلر آت لر نی بیله صوقورلردی. قوله سنده وادینک
مدخلنی مدافعه ایدن ویقوت، حدوده نکهبان اولان مارکی دایما سلاح بدست
اولمق مجبوریتده ایدیلر. اقامتگاهلری برقوناق، برالتجا کاهدی. و بوتون
اذواق و آلاشه رغما شوخشین عسکرلک حیاته تابع بولنیورلردی. بوجسورلر
سایه سنده کویلی حیانتدن امیندی. وارتنق اولدورولیه جک؛ غانه سیله،
سوروسیه کوتورولیه جک ایدی. بوسایه ده اکوب بچیور ایدی. تهله که
حائنده کندیس ایچین، حیواناتی ایچین، برملجا بولاجقنی بیلوردی.

واقعاً دیر پنجهلی بر آدمک تحت اداره سنده یاشامق البته ای بر شی
اولا مازدی . کولونک حیاتی بر حیات اسیرانه ایدی . نقط نتیجه کنیدی
مدافعه ایدن ینه اودست آهنین ایدی . ستاندال دیورکه : «اونجی عصرده
یشایه بیلک ، قیشین بر حیوان درینسه مالک اولمق یک بویوک بر بختیار لقدی .
زواللی قادینلر بوتون بر حیدود چته سنک پای مجاوزاتی التمه ازلکدن ایسه
اک آغیر حقوق زعامیه نی قبول اتمکی اهون شرع ایدیورلردی . اوزمانلر
بر پارچه امنیت و اسایش بر مملکتی دولدور مق ایچین کافیدی . اعتیاد ،
ضرورت ، نتلاف اختیاری ویا مجبوری زادکان و طبقه سافله نی یکی
حیالری نه الیشدیر ارق بر منفعت مشترکه ایله یکدیگری نه باغلامش و بویله جه بر
جمعیت ، بوجود حقیقی تشکیل ایتشلردی . بوسایه ده قونتلق ، دوقه لق ،
بکک سویله ن و اوغرنده فدای جان ایدیلن بروطن اولویور . بکک ، وفیقات
عسکریه سی تعداد ایدیلرک آلقیشلانیور و اونک وجودیله افتخار ایدیلیور .
ایشته بوصورتله بیک سنه صوکره جمعیت بشریه نی حمایه ایدن اک قوتلی ،
اک زنده حسابات دوغیور : بوده کوچوک دره بکک و طنتک بویوک و ملی بروطن
اولماسی ایچین لازمدی .

مبنای اجتماعینک تملنی وضع ایدنلردن بری ده ره باندیر . اونلری بیک
ایکی یوز سنه دن زیاده همان یالکز باشنه بومنبایی قورمق ایچین بر معمار ،
بر عمله کبی چالیشمشلردی . ابتدای امرده پالاق ایلک درت عصر اشناسنده
دین و کلیسائی تأسیسه وقف حیات ایتدی . بویاکی کله نک بوتون اولانجه
اهمیت و قوتی اکلامق ایچین اونلری یک ای طارتمالیدر . طرز تشکیلی ،
بنیه سی اعتباریله انسا لارده فعالیت و یاشامق ارزولرینی محو ایدن خشین
و صوئوق ، قلیج و قوت اوزرینه مؤسس بر حیات حکم فرمادی . ایشته بویله بر عالم
ایچنده ایکله ین معنوب و بر قورور و حله دین علوی بر فراغت نفس ، توکل ،

تواضع ، صبر و تحمل توصیه ایدم كه بر جهان دیگر كن بحث ایتش و روما زندانی
 اینجند بوغولان انسانله راز نفس الی رمش ، كوش یوزی كو سترمشدی :
 ایسته دین ! دیگر جهندن کلیسا پیدرپی نفوسی تناقص ایدن ، داغیلان
 بردوات اوزرنده برجهت تشکیل ایدیور . و بوجعتی برطاقم قیود
 وقوانین ایله تحت انتظامه آلهرق ، اونی بر مقصد ، بر نظریه اطرافنده
 طوبایلهرق داء تفرق وانقسامدن قورتاریور . دیگر طرفندن ده رؤسانك
 فداكارلئی ، اصدقاكنك اطاعتی سایه سنده باربارلك مهاجمانه قارش
 مدافعه اقتدارینی بخش ایدیور . پاپالقی مذهب و کلیسا کی ایکی متین تمل
 اوزرنده انشا آتیه دوام ایدم كه باربارلك استیلا سندن اعتباراً بشیوز سندن
 زیاده بر زمان ظرفنده تربیه فکریه بشریه دن قورتارا بیلدیكنی محافظه ایدیور :
 یاندا فماتیلله سیل خروشان و حشته قارش برسد چكیور با استیلا دن صوكره
 بر مؤثر روحانی ایله اونلری آله ایتمه كه موفق اولویور . غول قطعیه سی
 کی لاتین اولان بویوك بریتانیاده فاتح لر بر بوجوق عصر مدت مشرك
 قالد قلدن صنعت ، لسان ، جمیت هپسی محو اولمشدی . بوتون بر ملت
 قلیچدن كچیرلش ، بقیه السیوفی ده اسیر ایدلشدی . ایسته باربارلری کلیسا مسخور
 و نمون ایتمه مش اولسه یدی بوتون اوروپا بویله بر حال فلا كته و شه جكدی .
 خریستیانلئی قبول ایدنلر پاپاسلردن بر خرباز کی قورقمایه باشلا دیلر .
 بر معبد تعرض ایتك استیلر ده اوریاه كیرمزدن اول چارپیللا جقلری
 دوشونه رك جرأت ایدم میورلردی . یاواش یاواش ایسته و باربارلرده بر حس
 مظلم عدالت ، بوجدان ابتدائی اویانمایه باشلادی . بر جوق قنالقلر ایدنلر
 ایام فلاكت و مرضنده مثلاً قاریسك بر نصیحتی اوزرینه ایتدیكنی قنالقلری
 تعمیره ، جالیدیك یكرمی اوتوز مثلاً ویره رك مظهر عفو اویانمایه چالیشیوره

رهایین رفع منافستله عقد صلح و مخاندنه غیرت ابتدکاری کبی معذورین و مظلومینه ده دیده کشای صیانت و حمایت اولیورلردی .

پاپاسلر دیگر طرفدن دره بکمر ، قرالار مجالسندنه اعضا صفتیه بولونیورلردی . ذاتاً اوزمانلر الی قلم طوتان ، سوز سویلیه بیلان یالکیز پاپاسلردی . کاتب ، مشاور ، فقیه هپ کندیلری اولدیقندن اداره حکومته اشتراك ایتکده ایدیلر . قاریشیقانی برازننظیم ، قوانینی مهمما امکن دها حکیمانه ، دها انسانی یاییورلر ؛ مرحمتی ، معارفی ، عدالتی ، ملکیتی وبالخاصه نکاحی تأسیس یاخود محافظه ایدیورلردی . والحاصل اوروپایی فترت واغتشاشدن محافظه ایدن کلیسانک ضابطه سیدر . کلیسانک رؤسا اوستنده کی نفوذی اونلرک طبیعت حیوانیه و وحشیانه لرینی تسکین ، دلیلکاری تعدیل ایدیورلردی . شیمدی المانیاده بویوک معلملر دارالفنوندن دارالفنونه سیاحت ایتدکاری کبی وقتیه صاحب کمال مدرسلرده مناسترلر طرفندن شدتله تحری ایدیلردی . مناسترلرده لاتین لسانی ، الهیات ، ریاضیات ، هیئات ، هندسه ، موسیقی ، معماری ، هیکلتراشلق ، رسم کی فنون نفیسه ایله احتیاجات بشریه یه خادم صنعتلر تعلیم ایدیلرک ذوق سعی و عمل محافظه ایدیلورلردی . و بویله هر طرف مستغرق ظلام جهالت ایکن یالکیز بوسایه ده درک مناسترلرده نور معرفت سونوک سونوک یانمقده دوام ایدیورلردی . پاپاسلر چفتجیلک ایده رک ، نیم وحشی حیواناتی تأهیل ایلرک ، بردکرمن ، برفرون بناء ، برزمیر ، برقوندوره ، بالسه اعمالخانه سی انشا ایده رک متعادیآچالیشورلردی . ذاتاً مناسترلرده کی اصوله کوره ایکی ساعت مطالعه ، یدی ساعت ده قول ایله چالیشق لازمدی . عاقلانه برسی مطرد سایه سندنه ، قعاتنکار و معتقد بر اداره التنده پاپاسلر دیگرلرندن دها زیاده استحصال ودها آراسته لاکنده بولونیورلردی . باشقه لرینک موفق اولامادینی شکیلرده اونلر موفق اوله رق ترقی ایدیورلر ، وبر چنوق زوالیلری

طوپلایه زق، چالیشدیره رق بسلور و اولندی ریورلردی . دینجیلر، سر سربلر
فراری کوییلر هپ کلیسانک اطرافنه شتاب ایدیورلردی . انسان
محصولاتندن آمین اولورسه طوبراقله ایدینیر و چو قلیخی بسله یه بیله جک
برحاله اولدیغنه قناعت حاصل ایدرسه عائله بابایی اولور .

ایشته رهایین سایه سنده پیدرپی مراکز جدیده زراعت و صنعت تشکل
ایده رک توسع ایدیوردی . فقط بشریته کمک قدر غذای روح ده لازمدر .
انسانه برارزوی حیات ، هیچ اولمازسه بو عریده معیشت عالمی ایچین
برتوکل، برصبر و تحمل ویرمیلدر . بوده وجودی اولمان ذوق حیاتک
یرینه مؤثر برخویای شعر آمیز ، مواعید سعادت بخشاویره بیلک سایه سنده
اولاییلر . ایشته اون اوچجی عصرک واسطنه قدر اوروپاده بوغدای
روحی تدارک ایدن همان رهایین ایدی . قصص اولیاسیله ، بویوک
کلیسارلیله ، مذهبی الواح و هیاکلی ایله بو آجی عالم حقیقتک فوقه
انواع امید یاغدی ران مذهب و معلا برکاشانه محتشم ، برعالم خیالی رکز
ایتمشدی . قلب ملول ، مشتاق محبت و شفقت قلب، نوشین و سماوی
اولان بو عالمه التجا ایدر . اوراسی بر نقطه سبزین تسلیتدی . محیطات درلو
فجایع خون آلودی ایچنده ایکله یین انسانیتک پک محتاج اولدینی اولک، مرحمت،
عفو اوراده بوتون دوداقلردن آقپوردی . پایالراتام ایکی یوزسنه بو صورتله
اوروپانک دیقتاتورلری اولدیلر . اهل صلیب محارباتی اجرا ایله یین، قرالری خلع
ایدن، ممالکی تقسیم و توزیع ایدن اونلردر . پاپاسلر بوراده برپرس اوتوده
برحامی و یا حقیقی بر مؤسس خاندان اولملاردی . اراضینک ثلثی، وارداتک
نصفی اونلرک النده قالیوردی . ایشته سیما قهرمان ، سیما مقدس !
فرانسه نک اوچجی تملی قرال وضع ایدیور . و قرال بوبنای
مهیکلک هر طاشنی آری آری وضع ایتمشدر . ایلك طاشی ده هوغ قاپت آتیور؛

اوندن اول قرالیت قراله بر ولایت بيله ویره میوردی . سکز یوز سنه ظرفنده نکاح ، فتح ، توارث کبی وسائط مختلفه ایله بوسی اکتساب ثروت دوام ایدیور ، حتی اون بشیمی لویی زماننده بيله فرانسه لورن وقورسیقا ایله توسع ایدیور . برهچدن قرال فرانسه بی یکدیگرینه مرتبط ویکرمی الی میلیون نفوسه مالک اوروپانک الکقوی الشکیه بردولتی حاله کتیریور . بواننده اومدافعه عمومیه ریسی ، اجانبه قارشیه ده مملکتک مدافع و خلاصکاریدر . مثلاً بوتک ایچون اون دردنچی عصرده پایا ایله ، اون بشیمی عصرده انکلیزلرله ، اون اتنجی عصرده ده اسپانیولرله محاربه ایدیور . داخلده اون ایکنجی عصردن اعتباراً دولتک ترکیب وحدت وسطوتی اخلاص ایدن دره بکلرخی قالدیرمایه باشلیور . قویلرک تعدیاتی منع ، مغدورینی حمایه ، محاربات داخلیه و خصوصیه بی الفا ایدرک انتظام و آسایشی تأمین ایچون اوغراشیور . بواثر عظیم شیشمان لوییدن سن لویی به ، کوزل فیلیپدن یدنجی شارله واون برنجی لویی به ، دردنچی هانریدن اون اوچنجی واون دردنچی لویی به قدر بلا فاصله دوام ایدیور . و داخل مملکتده ده وضع مبانی ، عمران و مدنیه تشبثله بوتون مؤسسات نافعیه یا امریه و یا تحت حمایه سنده اوله رق توسع ایدیور . یوللر ، لیانلر ، جدوللر ، آقاده میلر وجوده کلیور .

ایشته بنوع خدماته کوره مکافاتده متناسب اولمالیدر . فی الحقیقه قراللرک یالکز فرانسه ایچون چالیشدیغی هرکس تصدیق ایدیور . کلیسا اونلری رنس کلیسا سنده تقدیس ایتدیکی کبی زادکانده عسکری وقدم بر سوق طبعی صداقت ایله کنیدیلرینی حکمداران محافظی عد ایلورلر . وبوندن دولای درکه اون اغستوس تاریخنه قدر اونک ایچین سرائک مردیونلرنده فدای حیات ایتملردر . قرال فداکارانک ریسی ،

جزالیدر . ملته کلنجه : اوده قرالی ۱۷۸۹ تاریخه قدر حامی صنعتها ، مدافع حقوق بر ذات عدایدیور . اون التجی لویینک ابتدای سلطنتده « یاشاسین قرال ۱ » صدالری صیاحک ساعت التیسنده باشلایه رق غروبده قدر همان بلا فاصله امتداد ایدردی . بر ولی عهد دنیا به کله‌سی اوزرینه فرانسه‌نک بمنوینته پایان یوقدی . سو قاقلرده هرکس اوزدن بحث ایدر و سوینچلرندن بر برلریله قوجاقلشیرلردی . هپسی مهم بر عنغه ، پک اسکی بر حرمت ایله حس ایدیورلردی که فرانسه ، قرالترینک اللریله انشا ایدلش بر سفینه‌در . حکمداردن سفینه دولتی سلامته اداره‌دن باشقه بر شی ایسته‌میورلردی . و بویله بر فکرک تحت تأثیرنده قاله‌رق اختیاری و یا ضروری اونک هرشیئی یاماسنه اغماض عین ایتدیله . زادکان قرالک دالقاووغی منزله‌سنه اینمشدی . فونقورواوندنبری رؤسای روحانی‌یی بالذات قرال نصب ایدیوردی . « آنازه نه‌رو » لایسه یوزیتش بش سنه‌دنبری دعوت ایدله‌مشدی . موجوداولان ایالات مجالسی توزیع تکالیفدن باشقه بر شی یامایه مقتدر دکلردی .

اختلالک باشلامق اوزره اولدینی زمان فرانسه هنوز صورت دائمده یکدیگریله بوغوشان اقوام غیر مؤسسه‌نک هیأت مجموعه‌سی ایدی . بره‌تونلیلرک ، روآنلیلرک ، لوره‌ن‌ایالتنک ، دیزون ره‌بان واصلزادکانک ... هپسنک مطالبات و مدعیاتی مختلف ایدی . تقسیمات اداره قاریشیق و غیر طبیعی ایدی . مع‌مافییه اونلر منافع مشترک‌لرینی حس ایدیور و عینی عالمه اعضاسندن اولدق‌لرینی بیلیورلردی . هپسی قرالینک دور رونقگیری ، طنطنه شهرتی‌ایله افتخار ایدیورلردی . قرال دولتی‌ذاتنده تجسم ایتدیردیکی کی ملت‌ده صانکه اونلر موجود اولیه‌جق ظن ایدیلیوردی . فرانسه اون سکننجی عصرک بوتون مصائبه رغماًینه دیندار و وحیدالامر طرفدار

قالمشدی . هر وسیله ده اون آلتجی لوی نك ده اون دردنجی لوی کی فرانسه نك
حاکم مطلق اولدیغدن بحث ایدیوردی .
او جناب حقندن باشقه سنه حساب ویرمکه مجبور دکلدی .

سی بهز فرانسه ده سکسان بیک رهبان ، یوز اون بیک زادکان قید
ایدیور ؛ تارزه ایسه بو عددی بش مثلی تزید و لا ووازیده بالعمکس تنقیص
ایدیور . مورخ حکیم تهنه نظراً زادکان یوز قرق بیک ، رهبان ده یوز او یوز
بیک نسبتده در . شو نقطه قطعیدر که اصحاب امتیاز ملک بر جزء قلیی
همان یوزده ایکسی نسبتده ایدی . وقتیه فلان پاپاس یا خود قونت ودوق
قارلو و بیجه نلر ، قابه تیه نلر درجه سنده ایکن شیمدی ورسای سراینده
قرالک اوکنده سرفرویه مجبور اولمشلردی . فقط هنوز نفوذ و ثروتلری محافظه
ایدیورلردی . چونکه دنیا ده بر شکل جمعیتدن متین و پایداری هیچ برشی اولماز .
قرالارک بوقدر بالطه ضرباتنه رغماً اسکی دره بکک کونوکی هنوز دوام
ایدیوردی . بو اولا ارضینک صورت توزیعده کورولویور .

فرانسه اراضیی اوزرنده مقام سلطنتک ، زادکانک ، رهبانک ،
نواحینک ، کویلورک ، صنوف متوسطه نك حصه لری بشده بر نسبتده
ایدی . دیمک اولیور که اصحاب امتیاز فرانسه قرالیتک نصفه مالکدی .
و بو بویوک بیانقو عین زمانده مملکتک اک زنکین پارچه سی ایدی . اولا
سرایلر ، شاتولر ، مناسترلر ، کلیسالر کی اک بیوک و محتشم مبانی بوقسم
داخلنده ایدی . ثانیاً اثار نفیسه صنعت ، قیمتدار اثاث یدیه بونلرک
النده ایدی . رهبانک حصه سی حساب اولنورسه درجه اهمیت آکلاشیلیر :
اموال و املاکی درت میلدار نجن اولوب سکسان ، یوز میلیون ایراد
کتیریوردی ؛ بوکا سنوی یوز یکر می اوچ میلیون عشری ده علاوه

ایدرسهك ایكى یوز میلیونه چقار. او وقت پارهك قوه اشترائیه سی زیاده اولدیقندن زمانمك حسابیه درت یوز میلیون دیمكدر. هله برچوق یولرده رهبان اراضینك نصفه متصرفدی. اباعن جد زادكاندن ماعدا بالاخره عنوان اصالت بخش ایدلمشلی ده نظر دفته آمالیدر. ایكى عصر دنبری حکام، بر عصر دنبری ده امور صرافیه ایله اشتغال ایدنلر اصالتی پارمیه صاتون آلیورلردی. عاطفه طرف حکمداریدن بخش ایدلمك ویا بعضی کارلی ایشلرده قازانلق صورتیه بوقسمده فرانسهك بوتون بویوک ثروتلری واردی. خاندان قرالی آرپه لقلری اراضینك یدیده برنی طوتیوردی. یالکز دوق دورلثانك اون میلیون فرانقندن زیاده ایرادی واردی که بویوک ایكى مثلی دیمكدر. بوتون بوشیلر اداره زعامیهك بقایاسی ایدی. بویوک بکزر شیلر انکلتزه، اوستریا، پروسیا و روسیاده هنوز موجوددر. چونکه ملکیت، کندیسینی تولید ایدن احوالك زوالندن صکره پك چوق مدت پایدار اولور. وقیله بونوع ملکیتی حاکمیت وجوده کتیرمشدی. صوکره حاکمیت قالدیرلدیغی حالده حق تصرف اونلرک سلاله لرنده دوام ایتمشدر. قرال، قونت ویا پاپاسك نفوذ حاکمیتی محو اولونمقله برابر حقوق تصرفیه لرینه رعایت ایدلمشدی.

بوتون بواموال واملاك قسماً ویا تماماً تکالیفدن معافدی. تحصیلدار بونلرک اوکنده توقف ایدیوردی. چونکه قرال بیلوردی که کندی املاکی ده عین دره بکلك مسلکینک منبجندن کلیوردی. قرال انحق ممتازلرک ممتازیدی. معاهدات، امشال، عادات قدیمه مأمورین مالیهك الی ظوتیوردی. بوندن باشقه عسکرلکدن وهر درلو انقاریه دن مستشادی. معافیت تکالیف، حاکمیت ویا استقلالک صوکره نشانه سی ایدی که زادکان

یونی هم ایجاب منفعت و همده محافظه حیثیت اعتباریله مصرأ طلب و محافظه ایدیورلردی .

وقتیه کلیسا و مناسترلر قونتلوق و دوقهلق کبی کوچوک دولترلردی .
 بك، اعدامه محكوم اولانلرك اموالی ضبط و ملكی مصادره ایدردی .
 میراث خصوصنده ، لقطهده ، اون سنه مدت زرع ایدلهین اراضی
 اوزرنده حقوقی واردی . برچوقی شیپلر اوزرندن مختلف نامرله رسم
 آلیردی . یونلر عاداتا تکالیف شخصییه ، موبیلیه ، میراث ، پاتنت ویرکولری
 کییدی . اونجی عصرک قونت ویا یایاسی قانطونك هم حکمدار و همده
 صاحب ملک ایدی . شکل جمعیت قریب الظهور بر تهلكهك ایجاباته
 کوره ترتیب اولمشدی . بالاخره زادگان مقتصد کویلیله بونادن بعضی طاشلر
 قوپارمايه مساعده ایتشلردی . قنودالیه اصولی موجب احوال زائل
 اولدقن صوکره بر نوع معافیت و تابعیت دوام ایتدی . لکن بو کیفیت
 ارتق زادگانك مضر ویا بی فائده اولماسی ایجاب ایتزدی . چونکه اسکی
 وظیفه لرینی آرتق ایفا ایتمهین رؤسای محلیه ده نافع ایشلر یاییلیرلردی .
 محاربه اوزرینه مؤسس قنودالیهده حیات عسکریه حکمفرمادی . شمدی ده
 حال صلح اصل اولدیغندن بو طرز حیات کوره چالشیورلردی . و بویله
 بر تبدلك وجوده کله سنده ملت ایچوزده بك بویوك منفعت واردی .
 چونکه رؤسانی بوضورتله محافظه ایدهرك یکیدن رؤسا بولوق کبی مشکل
 بر عملیه دن کنديسنى قورتارمش اولوردی . زیرا تأسیس حکومتدن مشکل
 دنیاده هیچ بر شی یوقدره مقصد پایدار بر حکوت تأسیسیدر . پایدار بر
 حکومت بعضیلرینك امرینه دیکر لرینك اطاعت ایتمه سی اوزرینه مؤسسرکه
 طبیعتیه قارشى برشیدر . تك بر آدم یکرمی اوتوز میلیون نفوسك
 جان و مالنه تصرف ایدیور . مثلا پاره لرینك بر قسمنى آلور ؛ قانلرینی

دو کدوریور. اون دردنجی لویی زماننده فرانسزله، پیت زماننده انگلیزله،
ایکنجی فره دریق زماننده پروسیالیر هیچ بر اثر انفعال و اختلال کوستر مکسزین
برچوق فلا کتله، سفالتاره تحمل ایتدیلر. بورخارقه در. وبرملتک
استقلالی بوکبی بویوکلککری هر زمان ایفایه حاضر اوناسنه وابسته در.
بواتحاد، بوصداقت محاکمه عقلیه نتیجه سی دکدر. چونکه اوبودرجه
عمومی وقوتلی بر اثر وجوده کتیر مک ایچین پک ضعیفدر. انسانلر مطلق
العنان بر اقلیلر و دفعهٔ حال طبیعی یه عودت ایدرلر سه در حال حرکات
هر فیه یه متصدی اولورلر و بر هر ج و مرج باشلار. و نتیجه ده ازمنه وحشیه ده
اولدینی کبی رعود انفعال و تظلم ایچندن میدانه بر عسکر، بر دینقا تور چیقارکه
علی العاده بر قصابدر. عالم تاریخنده تکرار ایشه باشلامقدن ایشه دوام ایتک
خیرلیدر. بناء علیه قومک اکثریتی جاهل ایشه رؤسانی ارثاً اولجه تعیین
ایتک ائی در. چونکه بوصورنده خلق رئیسینی بولوق ایچین آرامق کلفت
و احتیاجندن وارسته در. زیرا بورؤسا شهرتلریله، اسملریله، ثروتلریله،
اقتدارلریله خلقک معلومیدر. و اجرای حکم و نفوذه اکثریا مستحقدرلر.
رؤسای قدیمه شیدی امور نافعه نک مشوقی، فقرانک و صیسی، قانطونک فخری
مأمور و حاکمی و نزد قراالیده ده ملتک مبعوثی اولابیلیرلر دی.
بویوک فره دریتک بر قانونه کوره پروسیا ایالاتنده اسارت زراعیه
دها شدتلی ایدی. فقط بوکا مقابل بککده بر طاقم وظائفی واردی.
اوراده کویولر تارالارینی قراغ، رهن ایتملر و اصولک خارجنده زرع ایده -
منزلردی. بکک کویولرک حیات خصوصیه لری اوزرنده حق نظارتی واردی.
بوکا مقابل بکده تربیه لرینه باقار، حال ضرورتلرنده اونلر یاردیم ایدردی.
بر الیه زواللی کویولرک ثمرهٔ سعی و غیرتلرینی آلیور و لکن اوتنه کی الیه ده
اونلری حمایه ایدیوردی. وظائف حکومتک بر قسمتی ایفایه مجبور دی.

نته کیم انکلتزه زادکانی فرانسزلردن زیاده اراضی به مالکدی و طوبراق صاحبی اولانلر ره بانه عشر اعطایتمکله مکلفدی. لکن اوراده ملتزم و مستأجرلر براسیر اولما یوب حر آدملردی. زادکان ضنفی لوردلیوتنان، حاکم، مأوره، پاترون، مبلسی ضابطی و ضائفی اجرا ایدیوردی. و بونک پک چوق فائده سی واردی. برکزه بو آملر اباعن جد قانطونده دوغمش، بویومش کیمسلر اولوب احتیاجات محلیه یی پک انی بیلورلردی، صوکره کویلولره حسن معامله ایدرک، ایشلرینه باقارق، ضیافتلر ویره رک، اکلجه لر ترتیب ایدرک کندیلرینی سودیرمشلردی. ایشته وظیفه عسکریه لری یینه چرچویه دکیشمش و بو وظائف جدیده قائم اولمشدر.

فرانسه تاریخنده، بویه زادکانه تصادف ایدیلر. مثلاً دوق دوسن سیموز، برامونک، بویوک باباسی. بونلر ممکن مرتبه انسانلرک حامی طبعیسی صفتی طاقه رقی بوهمایینی نظار و قراله قارشیده ایفایتمشلردی. بالاخره ایکی صنف آراهنده کی محبت زائل اولمش، چوبان سوروسندن ایریش و ملت نظرنده چوبانلر طفیل کی تلقی اولونمایه باشلامشدر. ولایاتده انحق کوچوک زادکان موجود اولوب قسم اعظمی پارسده بولنور ایدی. ره اینده بویه ایدی. مع مافیه بر قسم زادکان کویلولره حسن معامله و معاونت ایدیوره، ژان زاق و صومو و مقتصدلرک اثرلرندنبیری بر نفحه انسانیت دهاقوتلی، ده نافذ اسبور و فقرانی دوشونمک بر نوع شرف عد اولنور؛ فکر انسانیت پارسدن ولایاته، شاولره و مناسترلره قدر انتشار ایدیوردی.

قتالق زادکانک طبعلرندن دکل حال و موقعدن متولددی؛ حقوق و اسعه لرینه مقابل وظائف عمومیه لری، خدمتلیری یوقدی. بوتون بو وظائفی حکومت درعهده ایتمشدی. برچوق زماندنبری زادکان مأورین حکومت قارشیننده پک عاجز قالمشلردی. اودرجهده که قراک اذنی اولماق سزین برایشی مذاکره

ایچین یکر میسی بر آراده طوپلانا میوردی . اونلر هم مافوقلرندن و هم ده مادونلرندن آیرلشلردی . اداره محلیه خصوصنده حتی برحق نظارتلری بیله یوقدی . تکالیفک توزییه طرق و معابرک انشاسی ، کلیسارک تعمیریه .. بوتون بوشیلر مصالح حکومتدن معدود ایدی . اون دردنجی لوی دن اعتباراً ترتیب ایدیان قوانین بونوع اموری دوله حصر ایله زادکانک قطع دست مداخله لری اساسنه مبتنی ایدی . حکومت محلیه کاملاً مأمورینه انتقال ایتشدی . زادکان ایشسرلکدن اولویورلردی . هله یاغورلی ، قارلی هوالرده هریر مستغرق ملال ، هریر مغیر و خزن انکیز بر حالده ایکن چفتلکلرنده قیاقوب یشامق ایچین فرانسز زادکانی المانویا انکلیز روخنه مالک اولمالیدی . بر آخاج کوکلرندن آیریه ماز . اداره حکومت ایچین مؤسس بر آریستوقراسییه اداره اموردن فراغت ایتدیرلدیکی زمان طور اقدن آیریلیر ، انفکاک ایدر . عدالت ، ضابطه ، اداره ، تکالیف ، امور نافعیه ایله هر درلو مراقبه ، هر درلو فکر تشبث مرکزیه کیدنجیه زادکانده اداره حکومتدن قالدیلر . ایشه بو ایشسرلر مالکانه لرنده جان صیقندیلسندن ارتق اوصانه رق شهرلره و یا خود سرایه قوشمایه باشلادیلر . ذاتاً برکلاه قایمق ، بعض عواطفه نائل اولمق ایچین قرالک سالوننه دوام ایدره رک عرض عبودیت ایتک لازمدی . اورایه کیتمه مک ، بویک بویوک بر قباحتمدی . شان و شرف ، اقبال و توجه ثروت و سعادت هپ مرکزده طوپلانمشدی . بناء علیه انظار هپ سرایه دیکلشدی . باخصوص سرای قرالی دائمی بر سالون اولوب اکلنجه لرک انواعی بوراده موجوددی . حیات کبارانه ک نفاست ظرافتیه بر مرکز ذوق ، بر مرکز حوادثدی . اوراده الک کزیده کیمسه لره برلکده قونوشمق ، اکلیتمک نه قدر طاعتی برشیدی ! ولایاتده انحق فقیر و کویلو زادکان قالیوردی . اوراده یشامق ایچین ذوقسنز ، فکرسنز

اولمایدی. قرال مثلاً بر قوتی شاتوسنه تبعیدایتدیکی وقت بواک بویوک بر فلاکت، بر نکبت عدایدیلیدی. بوتون فرانسه سرایده ایدی. هرکس شاتولرینی، اراضیسنی اهماال ایدیوردی. مرکزك شوخ وشاطر، ظرف و نکته پرداز حیاتله ولایاتك حرکتسز، یکنسق حیاتی آراسنده اوچوروملر واردی. قلبدن دامارلره قان کیمیوردی! حیات یالکتر مرکزده اولوب ولایات بر حزار کیدی! حرکت ومدنیت انجق پک بویوک شهرلرده موجوددی. حیات محلیه دینیلن شی ارتق قالمامشدی. حالبوکه انگلیز زادکانی کندی اراضیلری ایچنده مکتبلر آچوز، نمونه چفتلکلی وجوده کتیریور، وظائف دولتك قسم اعظمی ایفا ایدیورلردی. نه تضاد! فرانسه ده زادکانك وظیفه سزلیک، ایالاتك عطالتی، زراعتك حالخرا- یسی، ملتزمملرك تعدیاتی، عدالتك فسادی؛ ایشسزك، متروکیت، سفالت، بغض وعداوت عامه... بوتون بونلرعی سبیدن یلری کلوب عینی نتیجه لر تولید ایدر. انگلتره ده بارون، قونت مرکزده بولوندینی وقت مجالسده اعضاضفیتله بولونه رقی واردات عمومیه کیسه سنك قوردونلرینی قراله قارشی محافظه ایدردی؛ ینه قراله قارشی قومونلره اتحاد ایتمشلر وتدریجاً ملته وکیل اولمشلردی.

فرانسه ده کی اصول اداره ایسه بونك تمامآضدی ایدی. مجالس محلیه اهمیتی کاملاً غائب ایتمش و قرال بحق مملکتك یکانه وکیل اولمش ایدی. بویوک برچار اغاجنك کولککسی آلتنده بوغولوب قالمش اغاجلر کی قوای عمومیه سائرده اونك کیندکجه متزاید نشو و تماسندن هلاک اولمشلردی. ارتق چالیرله قورومش کوتوکلردن باشقه برشی قالمامشدی.

دین خصوصنده فرانسه قاتولیک، متعصب بر حال جهالتده ایدی.

پروتستانلره قارشى تعديياتى نه يايه ايدى . عدليه ، ضابطه ، معارف مأموريتلرينه قبول ايديلورلردى . مسائل دينيه ده دئاماسكوت ايتمكه مجبور ايديلر . بوكيفيت قرال ايله رهبان آراسنده دائمى بر بازارلق ايدى . نانت فرمان ايشته بوصورتله ماده بناده فسخ اولوندى . رهبان دولته جالادلق وظيفه سنى اجرا ايتك شرطيله معاونت ايدىوردى . قاتولىك كليساسى پروتستانلره قارشى تكرر مدعش بر محاربه يه باشلامشدى . معارفه ، امور مدينه يه متعلق ايشلر هپ باباسلرك النده قالمش ايدى . والحاصل قواى مشروعه و اخلاقه ملتك و كيللى اوله جق ايكن منافع ذاتيه لرندن ، كنديلرندن باشقه هيج بر شى دوشونموردى .

سرايده كى مأمورلرك ، ضابطلرك ، خدمه لرك مقدازى لايعد بر درجه يه كشمى . خاندان قرالى مصيته ، دام دونورلره مخصص معاشات اوقدر چوق ايدى كه مملكتك سفالته قارشى بوسفاهت عقللره حيرت ويرر . سراى ايشته بوتون فنالق بوكله ده ايدى . سراى ملتك بر نوع مجلس اعيانى ايدى . سرايده اك سفيل بر اوشاق اعيانن بر ذات ، بر ناظر كيده ه اك عادى بر خدمتجى قارى امر ويرمك ويا بر ماده قانونيه ينى تطبيق ايتديرمه مك صورتيله امور حكومه مداخله ايديه بيليردى . آرتق نه قوانين ، نه اوامر ونهده آمر موجوددى . هر طرفده « سراى ملتك مزاريدير ! » دينيوردى . نفى ، حبس ، اوامر خفيه كيتدجه ترايد ايدىوردى . بويوكلرك النده مطبوع و تمغالى بر نوع كاغدلر واردى كه بوييله بر ورقه نك ايچنه برينك اسى درج اولوندينى حالده محكمه وضابطه طرفندن حكيمى همان اجرا ايديليردى . علومك هر برينه مخصوص اون اون بش سانسور موجوددى . شهرلر بر چوق پارلر مقابلنده مأمورين بلديه ينى انتخاب حقنى صاتون آلمش اولدقلرى حالده بونندن بلا سبب محروم ايديلورلردى .

امور مالییه کلنجہ : ۱۷۸۷ ده اوچ میلبار اولان دیون ایکی سنه ایچنده ۲۴۷ میلیون ترایدایتشدی، نهداتک هیچ بری ایفایدلیوردی. اعتبار حو اولمشدی. مملکتک سقوطی، زراعتک سفالتی، اصحاب املاک اراضینک محوی اسبابندن الک مهمی تکالیفک پک اغیر و پک فنا طرح ایدلسندن ایلری کلیوردی. طرح تکالیف تماماً کیفی ایدی. تحصیل تکالیف بیک مشکلاته هدف اولیوردی. بر جوق استلافاته رغماًینه هر سنه رسوم و تکالیفدن متولد بیکلرجه دعوا چقیور، نتیجده بر جوق کیسه لر فیه، کورکه محکوم اولیوردی. مصارفات پک مشوش بر حالده ایدی. ملت برتک مأموری بیله تحت محاکمه یه آلامیه رق درت میلیون بورجه کیرمشدی. دیوان محاسباتک ده هیچ حکمی اولمایوردی. املاک خاصه نک قسم اعظمی غائب اولش و اورمانلرده همان محو اولق اوزره ایدی.

اصول اداره نک فالغندن مرجع محاکم صوک درجه قاریشیقدی. مثلاً بعض کره بر قضا اوچ مختلف محکمه نک دائره صلاحیتنه داخلدی. بعضاده بر حکم قضیه محکمه حاصل ایتک ایچون بش درجه محکمه دن یکمک ایجاب ایدیوردی. امور عدلیه هر دقیقه اصلر، توصیه لر، هنالر ایله کوتوروم بر حاله صوقولیوردی. مملکتک بر قسندن حقوق مدونه، بر قسندن حقوق تعاملیه اساس اتخاذ ایدیایوردی. الک کوچوک ولایتلرده بیله قوانین عمومیه مشترک و مساوی دکلدی. محکمه لرک تطبیقه مخصوص مختلف، بر برینه هیچ بکزه میان قانونلری واردی. قانون جزا پک شدتلی ایدی. مسئله متقدمه اصولی قالدیرلمشدی. عادی بر سزقت ایچون اعدام، تشهر، قیزدیراش دمیر، قامچی، مصادره ... جرم ایله جزا آراسنده هیچ بر نسبت یوقدی. حبسخانه لر بر مقتلدی.

ملت اوجاع محرومیت ایچنده قیورانیور، سورولرله هلاک اولیوردی.

اساساً فرانسه‌ده سفالت بالخاصه ۱۶۷۲ تاریخه دوغره باشلاپور. لابورییه
 بوکا اثرلرنده پک کوزل ترجان اولور. ضرورت اون بشنجی لوبی نك
 وفاته قدر خفیفله‌جکی یرده زیاده‌لشیور و بوتون محررلر بو سفالتی
 آجی برلسان ایله تصویر ایدیورلر. هر طرفده آغلایان یوزلر، صولغون
 چهره‌لر، پریشان آشیانلر ... ولی عهدک رفیقسی کچرکن ایکی بیکدن
 زیاده قالدین «زه اکمک و یریکز! آجلقندن هلاک اولویورزا» دییه فریاد
 ایتشلردی. هر یردن برفغان اشتکا، برصدای نیاز و تظلم یوکسه‌لیوردی.
 فرانسزلرک قسب اعظمی بیتاب و مهبای سقوط ایدی. بر جوق کیمسه‌لر
 ییه جک اکمک بولامیه‌رق اوت ییورلر و آجلقندن اولویورلردی! خسته
 خانه‌لر خسته‌لرله دولوب طاشیوردی. بریاق ایچنده درت، بش کشی
 بربری اوزرینه آتیش ایکلیوردی. بیکارله سر سری و دینجی کروهی
 کویلی دیولاشرق کندیلرینه اکمک و یرلیه‌جک اولورسه خلق یغما ایتمکله
 تهدید ایدیورلردی. و هیچ کیمسه قورقوسندن بونلری اخبار ایده‌میوردی.
 حتی پارسک ایچنده بیله امنیت شخصیه منسلبدی.
 اختلالدن اوتوزسنه اولکی مخبرات، بوحائف المملکت تدقیق اولونورسه،
 خرابیت ملکه، غلیان حسیاته دأثر یوزلرله دلائله تصادف ایدیلیر.
 قوللریله یاشایانلر ایچین حیات پک الیمدی. اراضینکده بویوک بر قسیمی
 غیر مزروع ایدی. قابل زراعت اراضی بی چالیلر استیلا ایتش، هر طرف
 چوله دوغمشدی. اداره‌سزلکدن اک کوزل یرلر بطاقلق اولمش، باغلری
 چالیلر قاپلامشدی. تکالیفک تزییدی قورقوسندن کویولر هر درلو
 اصلاحاتدن احتراز و قابل اولدینی قدر حیوانات اهلیه و اراضی مزروعه‌لرینک
 مقداری تنقیص ایدیورلردی. زراعت قرون وسطا صولنده ایدی. آرتوز بونع
 دیورکه: «۱۷۸۹ ده فرانسه‌ده زراعت هنوز اونجی عصرده در!» یول

اولمادیغندن نقلیات غیر قابلدی. «کله جک موسسه قدر نه بیه جکز؟» ایشته قبل الاختلال و انشای اختلالده هر کسک آغزنده طولاشان اک مدهش سوال! دیگر جهتدن استمالک قانونی تطبیق ایدلمدیکنندن حقوق تصرفیه عادی بهانه لرله تجاوز ایدیوردی. برچوق اصحاب اراضی دره بکک قیودینه، مکلفیاتنه تابعدی. صید رسمی حق تصرفک محو حقیقیسی ایدی. ظلمه محلیه صید بهانه سیله اراضی مزروعیه چیکنه یور؛ اخرک حقوقی غصب ایدیور و بوکا قارشی زراع هیچ برسس چیقارامیوردی. کویلو اراضیسندنه کی فنا اوتلری یولوق، زمان مساعدده تارلاسنی سورمک، کویکنی دیشاری به چیقارمق، حتی بر قارغه بیله اورمق حقنه مالک دکلدی. ضرورت و سفالت خشونت مزاجک مولدیدر. فقط انسان هم صاحب ملک و همده سفیل قالیرسه بو خشونت دهها زیاده کسب شدت ایدر. کویلو ضرورته طاقتی مرتبه سنده تحمل ایدیورسده هر زمان صویولمایه قاتلانهمیوردی. ایشته ۱۷۸۹ ده کویلو بو حلالده ایدی. اون سکنجی عصرک انشای جرباننده قناعی، عنادی، تصرفه قارشی محبت و احتراصی سایه سنده بر پارچه طوبراق الله ایده بیلمشدی. محرومیتلر ایچنده یاشایه رق چورابنک ایچنده بر قاج پاره صاقلایه موفق اولمشدی.

زواللی بوکوچوک خزینه اوزرینه اوقدر امیدلر بسلیوردی که مترقب فرصتدی. و بو فرصتده ظهور ایدیوردی. بوتون امتیازاتنه رغماً زادگان محو اولویور، صنوف متوسطه ثروتلرینی ضبط ایدیوردی. برچوق مالکانه لر بوضوئیه اختیاری و جبری فروختلرله صرافان و تاجارانک آلنه کچور؛ قیریتیلرینه ده کویلولر آلیوردی. فقط بیچاره کویلولر بوندن استفاده ایده میورلردی. سربستی سعی و عمل یوقدی. ژوراندو، متریس کی اصناف هیاتلری یکیدن تأسس ایتشلردی. فائضله ایچه اراضی محاکم قبول ایتمیوردی.

قارا کمرکاری مد هشدی. هر هانگی برایشا بریردن باشقه بر نقطه یه کیدرکن رسوم مختلفه یه تابع طو تولیدوردی. یالکتر جنوبی فرانسه نك بیك ایکی یوزمخلنده قارا کمرکاری موجودایدی. براوکوز ارا به سنك برکونده اللی کمرکدن کچدیکی ایشیدلمشدی. قحط قورقوسی بغدادی تجارتی بدیسیوردی. نه شهرلر ونه ده قصابات بغدادک سر بستی تدوانه مساعده ایتبورلردی. امور نافعه پک فنا برحاله ایدی.

اردو تقریباً ۱۶۰۰۰۰ عساکر منظمه و ۶۰۰۰۰ میلیس عسکرندن مرکبیدی. اخذ عسکر قانونی اصلاً دیکشمه شدی. رتب عسکره عادی بر تجارت اولمشدی. هرکس استحقاقه کوره دکل کیسه سنك اهمیت و قدرته کوره مظهر تقدیر اوله رق ترفیع رتبه یه نائل و یا خود الی الابد هرشیدن محروم اولویوردی. همان بوتون رتب عسکره پاره ایله صاتیلیوردی. الک بویوک ضابطان بلا محاکمه عزل ایدیلور و بر چوقلری ده بویوک رتبه لره انحق مداهنلره انحصارینی کوره رک متحداً ترک مأموریت ایدیورلردی. ضابطانک عسکره قارشی سؤ معاملاتی، معاشاتک عدم تأدیه سی فراریلرک تکثرینه بادی اولویوردی. و بوحاله بولسان براردو سنوی ینه یوزمیلیونه مال اولویوردی. رشوت و ارتکاب نهایت درجه ده ایدی. دولت مأمورین ایچین مأموریتلر احداث اتمک چالیشیوردی. قرالیتک مؤسسات علیه سی پک آزدی. موجود مکتبلر پک فنا اداره اولونیور، دارالفنونلره قرون وسطا اصولی تطبیق ایدیلورلدی. امتحانلر هیچ، تدریسات فنا، یالکتر اشکاله منحصر، طلبه و معلملر تنبل ایدی. بعضی مکتبده تدریسات لاتین لسانیه ایدی. حقوق، طب فا کولته لرنده رتب تحصیلیه علناً صاتیلیوردی. مکتبلر ده معلم یوقدی. اولانلر ده پک جزئی معاش و یریلورلدی. کویلر ده ایسه - مابعدی وار -